



RODES VAL BADIA 2025

Assoziaziun sportiva diletantistica


©Fotografies:

Igor Tavella, Ilse Tavella,
Franz Wieser

Foto söl cuertl dancá:
Rafael Tavella tratan na proa de Südtirol Cup

Rodes Val Badia Raiffeisen
Associazione sportiva dilettantistica
Str. Pedraces, 43
39036 Badia (BZ)
Tel. 0471 839735
E-mail: info@rodesvalbadia.org
Web: <http://www.rodesvalbadia.org>

*I reingraziun i ti Dijun
giulan a nüsc sponsors*



Raiffeisen

Cassa Raiffeisen Val Badia

www.valbadiaonline.it




TERMO DAPOZ
IMPIANTI TERMOSANITARI



Membri dl Consëi diretif dal 2022 al 2026



Presidënt

Ilse Tavella



Consëi

Lois Craffonara



Vizepresidënt

Werner Pescosta




Consëi

Raimund
Rungger




**Secreter y
cassier**

Igor Tavella



Consëi

Daniel Rungger



Consëi

Franz Wieser

Revisurs di cunc:

- Giovanni Rubatscher
- Otto Vittur
- Nikolas Seppi

Responsabl “Safeguarding”

- Marc Tavella

Contat:

Rodes Val Badia Raiffeisen ASD - Str. Pedraces, 43 - 39036 Badia (BZ)
Tel. 0471 839735 - www.rodesvalbadia.org - info@rodesvalbadia.org

Relaziun dla Presidënta Ilse Tavella

Cariscimi atlec y atletes, mēmbri y simpatisanc.

En chēsc ann unse podü cumpedé 178 mēmbri scric ite, chēl ó dí 93 atlec y atletes y 85 sostignidus. Bel é dantadöt ch'i un albü bëgn 33 atletes y atlec jogn sot i 18 agn, che á tut pert cun trōpa ligrēza y pasciun, edema por edema, ai alenamēnc y ales gares organisades.

Sc'i ciarun derevers al ann passé podunse dí ch'i ti un pité a mitans y mituns de vigni eté n isté cun n program scialdi rich de ativités. Bele de ma unse metü a jí anter deplü dis n curs de *pump track* che á dēr plajü y a chēl che mitans y mituns de dōta la valada á tut pert.

Le *pump track* a San Linert é na strotōra sōn chēra ch'an aspetâ bele dī y che á ince bele porté sū früc, sc'an ciara al numer dles mitans y dī mituns che á tut pert ales incuntades tratan l'ultimo isté: al é oramai radoplé en cunfrunt al ann da denant. N segnal che ince i geniturs se stá plü saurí sce sū mēndri n'á nia bria da jí cun la roda te posć olach'al podess ester prigorus.

L'alenadú Marc Tavella s'á dé jō cun atletes y atlec partis sō te cater grups, aladō de sües capacités. I alenamēnc ê desvalis, formá da ativités sōn percursc de *pump track*, *cross country*, *easy down* y sōn strada. Chēstes esperiēnzes desvalies é ince stades d'ütl por chi che á tut pert ales gares de roda da munt y sōn strada. Porchēl: dēr bel dilan a Marc, che á acompagné y s'á dé jō cun les mitans y i mituns.

Por ci che reverda les gares sōn strada él da alzé fora la bona prestaziun de Franz Wieser che á davagné le “Giro di Sardegna 2025”. Franz ê bele rové deplü iadi dlungia y ince sōn le podest de chēsta manifestaziun da deplü tapes, mo al n'ê nia ciamó sté bun da rové sōn le scalin plü alt dl podest. Tl 2025 ti éra spo finalmēnter garatada.

Franz Wieser á spo ince davagné le titul de campion provincial da jí sō pert te sūa categoria. N ater titul provincial é gnü arjunt da Hans Trebo, che l'á davagné tla spezialité de *Roda da Munt Marathon*, sōn la destanza plü lungia cun la roda da munt.

Rengrazié oressi düc chi che contribuēsc y nes dá na man por fá garaté les initiatives ch'i metun a jí, a nosc consēi diretif y al secreter Igor Tavella por le gran laur che vëgn fat y sambëgn ince a nüsc sponsors che nes sostëgn.

I oress spo ciamó ves mēte a cōr da mēte dagnora averda canch'i jëis cun la roda y da respeté dagnora jënt y tiers ch'an incunta sō tru. Tres indō mēsson aldí cun desplayēi de de bur inzidēnc olache zacai s'á fat dēr me, sc'ara ne ti é jüda ciamó da peso. Chēsc ne dess nia sozede. Porchēl: godessela da jí cun la roda, lascessel savëi bel y ... metede averda!

Ilse Tavella
Presidënta



Franz Wieser á davagné le “Giro di Sardegna 2025”

Relazione della Presidente Ilse Tavella

Carissimi atleti, membri e simpatizzanti

Nel 2025, il nostro sodalizio sportivo contava 178 membri iscritti, di cui 93 atleti che hanno svolto attività sportiva e 85 sostenitori. In totale abbiamo avuto 33 atleti giovani sotto i 18 anni che hanno partecipato con gioia e passione agli allenamenti e alle gare organizzate, settimana dopo settimana.

Possiamo affermare con orgoglio di aver offerto ai ragazzi e alle ragazze di ogni età un'estate ricca di attività. A partire da maggio, abbiamo organizzato un corso di *pump track* che si è svolto nell'arco di più giorni e che ha riscosso grande successo, attirando ragazzi da tutta la valle. Il *pump track* era una struttura molto attesa che ha già dato i suoi frutti: il numero di ragazzi che ha partecipato agli incontri durante l'estate è praticamente raddoppiato rispetto all'anno precedente. Un segnale che anche i genitori si sentono più tranquilli quando i ragazzi possono pedalare in strutture adatte a loro.

L'allenatore Marc Tavella ha lavorato con gli atleti suddivisi in quattro gruppi in base alle loro capacità. Gli allenamenti erano vari e includevano attività su percorsi di *pump track*, *cross country*, *easy down* e su strada. Queste esperienze sono state utili per accompagnare i giovani che se la sentivano a partecipare alle gare di *mountain bike* e su strada. Un ringraziamento a Marc che ha accompagnato e si è dedicato ai ragazzi.

Proprio su strada, Franz Wieser ha vinto "Giro di Sardegna 2025". Da molti anni Franz arrivava vicino e sul podio di questa manifestazione. Nel 2025 ha finalmente raggiunto il suo obiettivo. Franz ha anche conquistato il titolo di campione provinciale in salita nella sua categoria. Un altro titolo provinciale è stato vinto da Hans Trebo, che si è aggiudicato il titolo nella specialità di *Mountain Bike Marathon*, la distanza più lunga con la *mountain bike*.

Vorremmo ringraziare tutti coloro che contribuiscono e danno una mano per il successo delle iniziative che organizziamo nel corso dell'anno, il nostro consiglio direttivo e il segretario Igor Tavella per il grande lavoro svolto e, naturalmente, i nostri sponsor che ci sostengono.

Vorremmo anche ricordare a tutti di fare attenzione e di prestare cura durante le attività in bici e di avere rispetto per le persone e gli animali che incontriamo lungo i nostri percorsi. Purtroppo continuiamo a sentire con dispiacere di brutti incidenti che causano feriti e, talvolta, anche la perdita di atleti e compagni. L'augurio è che possiate continuare a divertirvi in bici, sempre in sicurezza.

Ilse Tavella
Presidente

I numeri dl 2025



Scric ite indüt al
Rodes Val Badia: **178**

Mëmbri sostignidus: **85**

Atlec scric ite ala Federaziun:
93
15 ères - 78 ëi

Atlec sura i 18 agn: **60**

Atlec sot i 18 agn: **33**

Ativité cun i mituns:

Grups de alenamënt: **3**

Numer di alenamënc: **34**

Presënzes ai alenamënc: **232**

D'atres ativités

Imparé da jí sön le
pump track **24**



Samuel confermëia che la plü bela
pert dl jí a gara é mangé pommes



Classifica segmënc **STRAVA** che vel por l'assegnaziun de punc por le campionat sozial 2025. I punc ti é gnüs assegná a döttes les atletes y a düc i atlec che á dé jö ala fin dl ann le formular olach'al ê da dé dant les gares.

Por tó pert a chësta classifica por la sajun 2026 bastel da se scrí ite sön **STRAVA** y spo chirí le club **Rodes Val Badia - Raiffeisen** cun chësc coliamënt: <http://www.strava.com/clubs/rodes-val-badia-raiffeisen>

Regolamënt 2026:

- Al gnará fat döes classifiches, öna por les ëres y öna por i ëi
- Al vëgn assegné i punc cina al 10° classifiché:
10 punc al pröm, 9 al secundo y i.i.
Dal 11ejim post inant vëgnel assegné 1 n punt
- Al é 2 segmënc fisc fora por döt l'isté
1 por roda da strada: **Punt de Fer SPRINT**
1 por roda da munt/gravel: **Damez - Punt d'Altin**
- Por i mëisc de jügn, messé, agost y setëmber gnarál presenté sön nosc sit y/o sön le canal Telegram le *segmënt dl mëis* che vel ma por chël mëis.
Important: por rové tla classifica mëss i segmënc gní fac anter i 28 de vigni mëis.



Punt de Fer SPRINT



Damez - Punt d'Altin


Classifica STRAVA 2025:		#1	#2	#3	#4	#5	#6	Punc
1.	Franz Wieser	10	10	3	10	10	8	51
2.	Rafael Tavella	2	9	10	8	8	10	47
3.	Günther Frena	8	5	9	9	7	6	44
4.	Igor Tavella	6	7	8	6	6	9	42
5.	David Frena	9		7		9	1	26
6.	Lois Craffonara	7	8	2		1	5	23
7.	Albert Sottrovisch	5	6		4	4		19
8.	Damian Irsara			4	7	5		16
	Oskar Irsara			5	5	3	3	16
9.	Luigi Frenademetz				3	1	4	8
10.	Marc Tavella						7	7
	Josef Costner	4	3					7
12.	Antonio Crazzolarà	1	4			1		6
13.	Klaus Irsara			1		2	2	5
	Andreas Pescoll	3				1	1	5
14.	Giuseppe De Marc					1		1
	Luca Aricó					1		1

Segmënc **STRAVA** 2025:

1.	Punt de Fer Sprint	Roda da strada	
2.	Damez -> Alting	MTB/Gravel	
3.	Piculin -> Mirí	Roda da strada	Jügn
4.	Rara	Roda da strada	Messé
5.	Flé Trail	MTB/Gravel	Agost
6.	Da rondel a rondel	Roda da strada	Setëmber



Marc confermëia che sce na gara vá mal él i punc
STRAVA che te dëida por la classifica generala





Ince la Josephine sá ch'al n'é nia daldöt vèi che ... ji cun la roda é tan saurí!

Classifica Campionat sozial 2025

		Punc gares	Punc FCI	Punc STRAVA	Bonus	Punc indöt	Gares
1	Franz Wieser	285		51	59	395	12
2	Rafael Tavella	167	34	47	103	351	18
3	Igor Tavella	70	52	42	1	165	4
4	David Frena	51	60	26		137	3
5	Samuel Arcieri	37			52	89	11
6	Frena Günther	41		44		85	2
7	Josephine Craffonara	50			30	80	8
8	Hans Trebo	57			22	79	7
9	Marc Tavella	18	42		7	67	2
10	Albert Sottrovich	27		19		46	2
11	Antonio Crazzolara	38		6		44	3
12	Gabriel Tavella	42			1	43	4
13	Hans Peter Obojes	27				27	2
14	Franco Furgler	26				26	2
15	Lois Craffonara			23		23	3
16	Josef Costner	16		7		23	1
17	Francesco Fiung	13	10			23	2
18	Marc Pedratscher	21				21	2
19	Damian Irsara			16		16	
	Oskar Irsara			16		16	
	Luigi Frenademetz	8		8		16	3

22	Andy Frenes	15			15	1
	Jan Craffonara	15			15	1
24	Klaus Irsara		5		5	
	Andreas Pescoll		5		5	
26	Alessio Cadorin	2			2	2
	Giuseppe De Marc	1	1		2	1
	Luca Aricó	1	1		2	1
29	Stefano Pezzei	1			1	1





Novité pump track Badia

Sön le pump track él da sègn inant la poscibilità da tó jö le tēmp ch'an adora da fá le percurs y da cupedé dōtes les rodes ch'an fej tres la APP ofiziala VORLD dla Velosolutions.

Al basta desćiarié jö la APP y se registré, dedò él ma plü da rodé cina ch'an vègn ciurns.

Por la fin dla sajun 2026 nes studiarunse ince fora na picia classifica por le pump track.

Bun divertimènt!





2026

- **Tesseramënt**
- **Guant sozial**
- **Imprëst pulmin**
- **Campionat sozial**
- **Maratona dles Dolomites-Enel**
- **Sponsorisaziuns**

Tesseramënt 2026

Por renové o fá n tesseramënt nü bastel jí sön les plates internet www.rodessvalbadia.org y jí do ales istruziuns dades dant.

I recordun che por I tesseramënt por fá gares adorun ince:

Zertificat dl dutur:

- Por dōtes les categories agonistiches dai 8 agn insö adorun le zertificat dl dutur dl sport.
- Por la vijita mësson se prenoté online sön le portal Sanibook dla Provinzia:
sanibook.asdaa.it
tres chësc percurs:
 - Prenota appuntamento
 - Continua a pagamento
 - Sot a "Cerca nome prestazione" chirí SPORT
 - Selezioné CERTIFICATO MEDICO SPORTIVO
- **Apuntamënt da dutur privat**
Al n'é nia debojëgn da prenoté tres le sistem Sanibook. Contac privac é da ciafé sön noster plates internet.
- **DA SAVËI:**
Por fá la vijita a inom dl Rodes Val Badia - Raiffeisen
pón descíarié jö le formular online.

Cosc tesseramënt:

- Mëmber/Sostignidú 20,00 €
- Giovanissimi M/F 55,00 €
da 7 a 12 agn
- Esordienti M/F 55,00 €
da 13 a 14 agn
- Allievi M/F 55,00 €
da 15 a 16 agn
- Junior Sport M/F 70,00 €
da 17 a 18 agn
- Elite Sport M/F 80,00 €
da 19 a 29 agn
- Master M/F 80,00 €
da 30 agn insö





Guant sozial

I atlec che se scrí ite al **Rodes Val Badia - Raiffeisen** con tesseramënt ala FCI mëss se arjigné la mondur ofiziala de nosta assoziasiun.

Mituns che tol pert ales ativités organisades dala nosta assoziasiun n'á nia l'oblianza da tó le guant sozial cina ch'ai ne tol nia pert a gares foradecá.

Al vëgn regolamenté la poscibilité de avëi n sponsor personal sön le guant sozial sciöche pezes cun l'inom de n sponsor:

- La grandëza dla peza cun l'inom di sponsors sön la malia ne pó nia ester plü grana co 12 cm (larghëza) por 9 cm (altëza)
- Al ne pó nia gní curí i sponsors ofiziai dl Rodes Val Badia
- Le sponsor ne pó nia ester en concorënza cun i sponsors dl Rodes Val Badia - Raiffeisen.

Guant por i mituns:

I mituns cina 12 agn che se scrí ite le pröm iade al Rodes Val Badia - Raiffeisen ciafa le set de guant cun 1 malia, 1 braia y 1 malia da manies lunges por le prisc alisiré de 80,00 €

La lista di toc singui:

- Malia 35,00€
- Braia 50,00€
- Malia da manies lunges 45,00€

Prisc dl guant toc singui rresservé ai soli:

- Malia da manies cörtes 75,00€
- Braia 95,00€
- Malia "Espresso" da ëla. 65,00€
- Cialzines (2 per) 20,00€
- Malia por le soius 40,00€
- Gilet Gore-Tex 70,00€
- Malia manies lunges 65,00€
- Body 160,00€



Regolamënt por s'impresté fora le pulmin dl Club Rodes Val Badia

Le pulmin dl Club Rodes Val Badia - Raiffeisen é a desposiziun de düc i atlec en regola cun l'iscriziun y le tesseramënt. Por l'imprèst di pulmins vevel chëstes regoles:

Prezedënza:

La prezedënza por l'imprèst dl pulmin á:

- i atlec che tol pert a manifestaziuns por mituns cina 17 agn.
- le grup de atlec plü gran che tol pert a na manifestaziun;
- i atlec che tol pert ala manifestaziun plü dalunc.

Spëises y cosc:

- Por la partezipaziun a manifestaziuns dl VSS, al Südtirol Cup y a d'atres manifestaziuns olach'al vëgn acompagné mituns cina 17 agn él le Rodes Val Badia-Raiffeisen che surantol dotes les spëises;
- por tó pert a d'atres manifestaziuns ti vëgn le pulmin surandé al autist cun le tanch plëgn y mëss ince gní porté zoruch cun le tanch plëgn. Al vëgn damané da mostré sö la zetola ch'al é gnü fossené plëgn te öna dles staziuns dal penzin plü daimpró dala sënta dl Club;
- sce le pulmin vëgn adoré por plü de 2 dis vëgnel araté 10,00 € al de dal terzo de che le pulmin é demez.

Impresté le pulmin zënza tó pert a val' manifestaziun:

Sce le pulmin é a desposiziun pó i mëmbri scric ite al Rodes Val Badia le tó ca ince sc'ai ne l'adora nia da jí a na gara a chëstes condiziuns:

- che le pulmin sides lëde y porchël a desposiziun;
- i cosc é chi che é bele dá dant dessura;
- por rovëne le pulmin mësson avëi almanco 3 agn la patent;
- la porsona che s'imprèsta y che rovënn le pulmin surantol dotes les responsabilités.
- en caje de inzidënt, mëss la porsona che gaujëia le dann le paié y surantó le cost dla *franchigia* dl'assicuraziun sciöche ince paié l'imprèst de n ater pulmin por podëi jí inant ales gares.

Canch'al vëgn impresté n pulmin periunse da le porté zoruch nët!



Igor dij: "Sc'an á fan pón tres daurí la bocia, valch röiel tres ite!"



Campionat sozial 2026

Assegnaziun di punc

Por vigni manifestaziun sön roda olach'al vëgn fat ala fin dla manifestaziun na classifica garantida da na iuria ciafon chisc punc por la classifica dl campionat sozial:

1° - 25 punc	2° - 20 punc
3° - 15 punc	4° - 12 punc
5° - 10 punc	6° - 8 punc
7° - 6 punc	8° - 4 punc
9° - 2 punc	10° -> 1 punt

Chi che tol pert a „granfondo“ sön strada o cun la roda da munt ciafa lapró chisc punc aladò dla lunghëza dl percurs che é gnü fat:

Roda da munt:	
da 45 a 69 km	5 punc
sura 70 km	10 punc

Roda da strada:	
da 130 a 175 km	10 punc
sura 176 km	15 punc

Les manifestaziuns dla categoria Gravel vëgn aratades sciöche roda da munt.

Punc de valorisaziun FCI:

A vigni atlet che tol pert a gares dla FCI tla categoria Top Class ti vëgnel assegné „punc de valorisaziun“. Ala fin dla sajun vëgnel ince cumpedé adöm chisc punc por la classifica dl campionat sozial.



Rodes Val Badia-Raiffeisen STRAVA Challenge

I atlec che fej pert dl Club Rodes Val Badia-Raiffeisen y é registrá a STRAVA podará ince tó pert al'assegnaziun de d'atri punc por le campionat sozial. De plü informaziuns tles plates cun la descriziun de Strava.

Atlec che á ma punc STRAVA zënza partezipaziuns a gares ne tol nia pert ala retüda dles spëises d'ativité.

Bonus de partezipaziun:

Por valorisé chi atlec che tol pert cun costanza ales competiziuns vëgnel assegné n bonus de partezipaziun.

Chësc bonus ne premiëia nia i plazamënc mo la costanza.



Retüdes por la partezipaziun a gares:

Vigni atlet che tol pert a gares de roda por le Club Rodes Val Badia-Raiffeisen ciafa na retüda de 10,00€ por vigni manifestaziun a chëra ch'al á tut pert. Chësta retüda ne vel nia por gares VSS y de Südtirol Cup por les categories di jogh (cina ai Junior Sport).

A chësta retüda vëgnel injunté na soma fata fora dal Consëi direttif söla basa de ci che resta dal bilanz de nosta associazion.

La soma vëgn partida sö en proporziun ai punc che vigni atlet á abiné adöm tratan l'ann söla basa di plazamënc dá jö. Al ti vëgn retü valch a düc i atlec che á abiné adöm almanco l'1% di punc totai.

Ejèmpl:

Soma da partí sö = 500,00 €

1. Igor	300 punc	36%	180,00€
2. Werner	280 punc	34%	170,00€
3. Susann	130 punc	15%	75,00€
4. Raimund	80 punc	10%	50,00€
5. Otto	30 punc	4%	20,00€
6. Eduard	10 punc	1%	5,00€
7. Franz	2 punc	0,2%	—

Important:

La soma pó ma gní retüda sc'al vëgn dé jö i documënc che desmostra la spëisa ch'an á albü da fá l'ativité. Sce la soma partida sö dal campionat sozial é majera co i documënc dá jö, vëgnel ma retü la soma totala che resultëia dai documënc.

Ci documënc vel pa por la retüda?

- Soma spenüda por la mondur ofiziala dl Rodes Val Badia - Raiffeisen
- Soma spenüda por le tesseramënt ala FCI
- Soma spenüda por la vijita dal dotur
- Spëises de iscriziun a manifestaziuns da jí cun la roda
- D'atres spëises che vëgn azetades dal consëi direttif sciöche varëntes por la retüda.

Esclujjuns:

Por les retüdes de partezipaziun ne gnarál nia tigní en conscidraziun i atlec che:

- N'é nia apost cun le tesseramënt y á le zertificat dl dotur scadü.
- N'á nia scrit fora i resultac tla seziun personala sön rodesvalbadia.org;
- Ne s'á nia scrit ite ales manife-staziuns sot l'inom „Rodes Val Badia – Raiffeisen“ (al vëgn tut en conscidraziun l'inom sön les classifiches);
- Ne s'á nia vistí le quant nü dl Rodes Val Badia-Raiffeisen tratan la gara y tratan la premiazion;

Maratona dles Dolomites - Enel:

Le Rodes Val Badia-Raiffeisen ciafa dal comité dla manifestaziun n numer limité de iscriziuns che vëgn spo assegnades do chisc criters:

- L'atlet mëss avëi fat la preiscriziun ala Maratona dles Dolomites-Enel;
- Sc'al n'é nia gnü trat fora ala niza spo gnará les iscriziuns partides sö aladô dla classifica dl campionat sozial. En iade che i posc é gnüs assegná y sc'al ess da resté iscriziuns ti gnará chëstes dades a:
- atlec scric ite al Rodes Val Badia Raiffeisen che á fat la preiscriziun ala Maratona dles Dolomites-Enel mo n'á nia dé jö le formular dles gares por le campionat sozial.
- atlec y atletes che tol pert ala MdD sënza la mondur ofiziala ne pó l'ann dedô nia plü damané do l'iscriziun reservada al Rodes Val Badia.
- Èl ti vëgn dé la priorité a chi atlec y atletes che á l'ann denant fat le percurs mesan o lunch.

Sc'al restass spo ciamó iscriziuns, gnará chëstes partides sö danter i mëmbri bele stá n iade scric ite al Rodes Val Badia - Raiffeisen y dedô danter i mëmbri nüs. L'iscriziun

messarà gní fata anter le termin dla regularisaziun dles iscriziuns dé dant dal comité dla Maratona dles Dolomites.



Sponsorisé o daidé economicamënter

SPONSOR PRINZIPAL

L'inom dl sponsor é tla pröma posiziun (p.ej. SPONSOR Rodes Val Badia). Inom che vëgn adoré por dötes les iscriziuns ales manifestaziuns y i comunicac ofiziai. Le sponsor ciafa le logo tla posiziun prinzipala sön le guant personalisé dl Rodes Val Badia.

Dorada contrat: 3 agn
Cost: 7.500,00 €/ann

SPONSOR SECUNDAR

L'inom dl sponsor é tla secunda posiziun (p.ej. Rodes Val Badia SPONSOR). Inom che vëgn adoré por dötes les iscriziuns ales manifestaziuns y i comunicac ofiziai. Le sponsor ciafa le logo tla posiziun prinzipala sön le guant personalisé dl Rodes Val Badia.

Dorada contrat: 3 agn
Cost: 5.500,00 €/ann

SPONSOR GUANT RODA Y TÈMP LÈDE

Le logo dl sponsor vëgn stampé sön la malia da jí cun la roda y le guant da tèmp lède adoré por les premiazziuns.

Dorada contrat: 3 agn
Cost: 2.000,00 €/ann

SPONSOR PULMIN

Pulmin Mercedes:

Le pulmin che é plü gonot incërch y sön chël ch'al vëgn lascé la lerch por max. 2 sponsors che vëgn metüs sön i üsc dant.

Dorada contrat: 3 agn
Cost: 1.000,00 €/ann

AIÜT DE BONA MAN

Na donaziun de bona man fej tres plajëi y nes dëida da porté inant l'ativité. La soma pó gní metüda sön le cunt dl Rodes Val Badia-Raiffeisen cun la diziun „donaziun“. Derevers ciafon n gran Giulan!

Cost: 1,00€ insö

Cunt bancar por donaziuns:

Cassa Raiffeisen Val Badia
IT 29 0 08010 58180 000302013941

